

Вход 25.05.2024

**Тропарь глас 2:**

Благообразный Иосиф, / с Древа снем Пречистое Тело Твое, / плащаницею чистою обвив, и благоуханьми, / во гробе нове, закрыв, положи, / но тридневен воскресл еси, Господи, / подай миру велию милость.

**Тропарь глас 2:**

Егда снизшел еси к смерти, Животе Безсмертный, / тогда ад умертвил еси блистанием Божества; / егда же и умершия от преисподних воскресил еси, / вся Силы Небесныя взываху: / Жизнодавче, Христе Боже наш, слава Тебе.

**Тропарь глас 2:**

Миронóсицам жена́м при грóбе предста́в А́нгел, вопи́яше:/ ми́ра ме́ртвым суть при́лична/ Христо́с же ислéния яви́ся чуждь./ Но возопи́йте: воскре́се Господь, // подай ми́рови ве́лию ми́лость.

**Тропарь глас 4:**

Правило веры и образ кротости, / воздержания учителя / яви ты стаду твоему / Яже вещей Истина. / Сего ради стяжал еси смирением высокая, / нищетою богатая, / отче священноначальниче Николае, / моли Христа Бога, // спасися душам нашим.

**Тропарь глас 4:**

Бо́же оте́ц на́ших, / творя́й при́сно с на́ми по Твоёй крóтости, / не отста́ви ми́лость Твою́ от нас, / но моли́твами их // в ми́ре упра́ви живóт наш.

**Кондак, глас 3:**

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, // яко великий таинник Божия благодати.

**Слава ....**

**Кондак, глас 4:**

Священноначальник чудную двоицу восхвалим, вернии, по долгу, / с Германом Божественнаго Епифания: / сии бо попалиша безбожных языки, / догматы премудрейшия возложше всем, // православно поющим присно благочестия великое таинство.

**и ныне ....**

**Кондак, глас 2:**

Радоватися мирносоциам повелел еси, / плачь праматере Евы утолил еси / воскресением Твоим, Христе Боже, / апостолом же Твоим проповедати повелел еси: / Спас воскресе от гроба.

---

**Прокимен, глас 6:** Спаси Господи люди Твоя, / и благослови достояние Твое.

**Ин Прокимен, глас 1:** Уста́ моя возглаго́лют премудро́сть / и поуче́ние се́рдца моего́ ра́зум.

**Причастен:** Тело Христово примите, источника бессмертнаго вкусите.

**Ин Причастен:** В память вечную будет праведник, от слуха зла не убоится.